

RECTOR
ACADEMIAE LIPSIENSIS
SACRA NATALITIA
DOMINI NOSTRI IESV CHRISTI

DIE XXV. MENSIS DECEMBRIS A. MDCCCXCVIII

IN
AEDE PAVLINA
PIE CELEBRANDA

INDICIT

SPICILEGIUM XXVI.

*Autographorum, illustrantium rationem, quae intercessit
Erasmo Roterodamo cum aulis et hominibus aevi sui
praecipuis omnique republica.*

MARTINI DAVIDIS,

Canonici Bruxellensis, Epistolae duae, AA. 1522.
et 1531. ad Erasmus datae,
ex Autogr.

Auctor Indicis, qui Tomo III. Operum Erasmi (Lugd. Bat. 1703. fol.) est praemissus, vnam tantum notauit epistolam, ab ERASMO missam *Martino Dauidi, Canonico Bruxellano*, quae legitur p. 1136. ep. 1002. et scripta est Louan. A. 1528. Omisit vero septem alias ERASMI epistolas, annis 1518. et 1519. datas ad *Martinum Bruxellanium*, seu *Bruxellensem*, (vid. ep. 369. p. 382. ep. 370. p. 383. ep. 401. p. 425. ep. 485. p. 534. ep. 486. p. 534. sequ. ep. 487. p. 535. ep. 488. p. 535.) qui nemo alius est, quam noster *Martinus Dauidis*; ut docet collatio epistolarum inter se, et cum Erasmi epist. 1279. ad Damianum a Goes missa d. 21. Maii A. 1535. Friburgo, vbi p. 1500. Erasmus scribit: „Animus meditatatur ex hoc misero domicilio emigrare. — Aliquot amici nos „praeceperunt in *Brabantia*: Viandulus egregie doctus, „*Martinus Dauidis*, hospes quondam meus, *Bruxellae*, etc.“ Conferantur epistolae nunc ex autogr. edendae.

Nullam vsquam vidi huius *Martini Davidis, Bruxellani*, ad Erasmus epistolam editam. Quare duae illae, quae nunc ex Autogr. in lucem prodeunt, attentione haud indignae videntur; non propter stilum latinum, sed propter argumentum et amicitiam, quae fuit auctori cum Erasmo.

Prior, scripta d. 10. *Ianuarii* A. 1522. *Bruxellis*, (v. Index h. a. n. 1.) respondet ad *litteras Erasmi*, et loquitur de rebus *priuatis*; de *Priore* monasterii *Antuerpiensis*, iussu *Caesaris Bruxellas* adducto et in *carcerem* coniecto; de *Egmondano, Lato*mo, aliisque.

Domine Erasme, mi Praeceptor¹⁾ amantissime! Die vicesima nona Decembris recepi litteras vestras²⁾, Basileae scriptas postridie Thomae Apostoli³⁾, quibus vt, breuiter me expediendo, respondeam, primo in quantum de Denariis, quos Dominatio vestra sub me reliquit ad opem Francisci Berckmanni⁴⁾, eosdem effectualiter in numerata pecunia tradidi ad manus eiusdem Francisci, die decima tertia mensis Decembris nouissime praeteriti; qui tunc, vt dixit, venit Bruxellas, inuisurus Dominum Priorem monasterii Sancti Augustini oppidi Antuerpiensis. Qui quidem Prior, iussu Imperatoris, vt ferebatur, ex Antuerpia erat adductus Bruxellas, et pro tunc habebat, prout ore Deputati habemus, pro carcere Domum
Dei

1) In epistolis 486. et 487. anno 1519. scriptis, p. 535. *Erasmus* nostrum *Martinum Bruxellensem* vocat aetate filium, sacerdotio et presbyterio fratrem.

2) Nusquam leguntur, sed periisse

videntur istae *Erasmi* litterae.

3) D. 22. Decembris A. 1521.

4) Bibliopolae Antuerpiensis, vt docet *Erasmi* epistola 706. ad Conradum Goclenium data Basil. 13. Octobr. A. 1524. p. 822.

Dei Fratrum de Nazareth ⁵⁾). Ob quam causam, aut quid negotii tractetur cum eo, nescio ⁶⁾). Audiui tamen, Egmondanum ⁷⁾), Lathomum ⁸⁾) et alios quosdam habuisse disputationes cum eodem, et breui causam fore decidendam. Ferunt etiam nonnulli, aliqua per eundem Priorem fore retractanda,

A 3

quae

5) De hoc Priore scripserat *Erasmus* Martino *Luthero*, in epist. 427. Louanio 30. Maii A. 1519. p. 445. „*Est Antuerpiae Prior eius monasterii,*
„*vir pure Christianus, qui te uice*
„*deamat, tuus olim discipulus, ut*
„*praedicat. Is omnium pene solus*
„*Christum praedicat. Caeteri fere*
„*aut hominum fabulas, aut suum*
„*guæstum praedicant.*“ Seckendorffii Hist. Luth. Lib. I. Sect. 45. §. 110. n. 9. (A. 1521.) nomen et fata eius docet his verbis: „*Antuerpiae — a*
„*duobus iam annis Prior Augustinia-*
„*norum, Iacobus, cognomento Prae-*
„*positus, alias Spreng, Lutheri imi-*
„*tatione concionatus fuerat. (Ille*
„*nempe, cuius elogium facit Eras-*
„*mus in epistola ad Lutherum. —)*
„*Is vero hoc anno Bruxellas ductus,*
„*mireque diuexatus, et ignis sup-*
„*plicio territus, palinodiam publice*
„*egit, ineunte anno sequenti, mense*
„*Februarii, coram Hieronymo Ale-*
„*andro, Commissario Apostolico,*
„*Hieronymo Vandernoort, Cancellario*
„*Brabantiae, Adriano Herboutio,*
„*Suffraganeo Cameracensi, Iob. Gla-*
„*pione, Caesaris Confessario, aliis-*
„*que; eamque typis Lipsienses vul-*
„*garunt. — At idem Iacobus, tunc*
„*dimissus, Brugis in Flandria iterum*
„*praedicare, quae abiurauerat, coe-*

„*pit, et e carcere Bruxellensi, in*
„*quem denuo compactus fuit, ope*
„*Franciscani cuiusdam elapsus, post-*
„*modum quae secum acta erant ipse*
„*publicauit, et lapsum deprecatus*
„*Bremae multis annis Euangelium*
„*docuit.*“

6) Vid. de hoc Priore verba in adnot. 5. citata.

7) *Nicolaus Egmondanus*, Carmelita, Inquisitor Belgicus, Louanii, fuit acerrimus Lutheri et Erasmi aduersarius, linguarum et bonarum litterarum omnium osor, de quo multa leguntur in Erasmi epistolis. De morte eius loquitur *Erasmus* in ep. 859. ad Mercurinum Gattinarium, Caroli V. Caesaris Cancellarium, Basil. 29. April. A. 1527. p. 974. Videtur hic esse is, de quo Epitaphium:

Hic iacet Egmondus,
Telluris inutile pondus;
Dilexit rabiem,
Non habere requiem!

8) *Iacobus Laromus* fuit Theologus Louaniensis, Lutheri et Erasmi aduersarius, de quo vid. Tomus III. Opp. Erasmi, qui de eo saepius loquitur in suis epistolis; Seckendorffius in Hist. Luth., qui etiam de eius desperatione et morte a. 1544. Sweetius in Athenis belgicis, etc.

quae in concionibus praedicauit, rel.⁹⁾. De rebus vestris credite, illas vsque in praesens fidissime atque secretissime fore seruatas, ac in futurum, vt optatis et confiditis, seruandas. De Procuratorio habui conferentiam cum Magistro Guidone¹⁰⁾. Id fieri non potest per nos, nisi Dominatio vestra adsit in persona. Parcatis stili ineptiae. Non plura pro praesenti. Ex Bruxellis"), die decima mensis Ianuarii, Anno XXII. more romano, per vestrum humilem seruitorem,

Martinum Daudis,

quo vt tuo vtere.

Omnium Doctissimo Domino Erasmo Rotterdame,
Praeceptoris suo obseruandissimo,

Basileae.

Posterior, d. 19. Nouembris A. 1531. Bruxellis scripta, (v. Index h. a. n. 18.) dicit de litteris Erasmi; de Epitaphio Philippi Hanetonis; de Lamberto de Briardis, Consiliario Caesaris in Consilio Mechliniensi, eiusque vxoribus et soceris; de eiusdem amore scriptorum Erasmi, Parisiis visi, et desiderio explicationis Psalmi quinquagesimi; de eodem, viro bono et humano, ad altiora promouendo, et Erasmo quoad pensionem Caesaream multum profuturo per socerum suum; de filiis Syluagii, nuper Cancellarii Magni, Ioanne mortuo, et Antonio superstitite, etc.

Salute

9) Vid. adnot. 5. vbi de fati-
bus Prioris dixi.

10) Nescio quo.

11) *Bruxellas*, caput Brabantiae,
Galli *Bruxelles*, Germani *Brüssel* vo-
cant.

Salute praemissa. Recepi nuper litteras de manu Domini, Friburgi scriptas quarto Kal. Septembris ¹²⁾, ex quibus intelligo, quod Dominus Hospitem suum ¹³⁾ Bruxellanium commendatum habet, prout etiam pluries sum expertus. Nam recepi Epitaphium quondam Domini et Magistri Philippi Haneton ¹⁴⁾, de quo non memini me gratias egisse, sicque gratias ago. Est Mechliniae quidam Magister Lambertus de Briardis, Consiliarius, ibidem in Consilio Imperatoris ¹⁵⁾, qui quondam

12) Nusquam editas inuenimus haece litteras.

13) *Hospitem suum* Martinum hunc vocat ipse *Erasmus*, in ep. 1002. p. 1136. et ep. 1279. p. 1500.

14) Epitaphium illud miserat *Erasmus* Martino nostro, cum epistola, Louanii A. 1528. scripta, quae est ep. 1002. p. 1136. *Epitaphii* haec verba notum facient Virum illum lectoribus nostris: „PHILIPPVS „HANETON, clarus auro, hic est „Eques, REGI PHILIPPO, CAESARIQUE CAROLO, cum laude „gessit Audientiarium; Sacer ordo, „quem Vellus decorat aureum, voluit „eundem praesse thesauris suis“ etc. REX PHILIPPVS, cuius fit mentio in Epitaphio, fuit filius Maximiliani I. Imperatoris; maritus Iohannae, filiae Ferdinandi Catholici, Hispan. Regis, et Isabellae; pater Caroli V. et Ferdinandi I. Imperatorum; Rex Castiliae, propter uxorem, ab anno 1504. vsque ad mortem a. 1506. Philippum Austriae et Pulchrum vocant historici.

15) *Lambertus Briardus* (de Bri-

aerde) fuit Dunquercanus, Flander, fratrum XIV. natu minimus, vir summa eruditione, prudentia et experientia, Eques auratus, primum Magister libellorum supplicum Consilii Caesarei Mechliniensis, deinde eiusdem Consiliarius, tandem vero Praeses, Carolo V. Imp. charissimus, cuius fere omnibus consiliis interfuit. Annos fere triginta magno isti Consilio Belgico cum laude praefuit. Scripsit etiam nonnulla, in primis Opus Consiliorum, siue Responsorum Iuris, de materia Appellationis. Mortuus est Mechliniae, anno 1557. Vid. Sweertius in *Athenis belgicis*. Misit eum *Carolus V.* anno 1533. Legatum ad *Ioannem Fridericum Magnanimum*, Electorem Saxoniae, et caeteros Principes Ordinesque Protestantes. In diplomate Caesaris germanico, ad omnes Imperii Ordines d. 21. Febr. 1533. dato, vocabatur *BRIARDVS honorabilis et doctus Consiliarius et Supremi Senatus Mechliniensis Praeses*. Vid. Seckendorffius in *Hist. Luth.* a. 1533., ubi et eius ad Electorem Saxon. litterae exhi-

quondam habuit in vxorem filiam praefati Magistri Philippi Haneton, quae defuncta est; modo vero habet in vxorem filiam D. Iohannis Mychart, Receptoris generalis Imperatoris ad partes inferiores. Hic vidit Dominum Erasmum Parisiis¹⁶), et delectatur plurimum in scriptis Domini Erasmi. Sicque requisivit me, quatenus ego, quanquam indignus, monerem Dominum ad aliquid scribendum in Psalmum quinquagesimum¹⁷): Miserere mei Deus. Nam, vt retulit mihi, non potest satiari in legendo, quae Dominus scripsit in plures alios Psalmos. Est hic vir tam bonus et humanus ad altiora, vt spero, promouendus¹⁸); qui adhuc in posterum multum posset prodesse, per praefatum Receptorem generalem, quoad pensionem Imperatoris. Non displiceat, quod ego tam inculte tamque inuerecunde ausim haec scribere, aut monere. Iam defunctus est Magister Iohannes Syluagius, filius Cancellarii Magni defuncti¹⁹), et Antonius Syluagius solus filiorum superest,

exhibentur, cum historia itineris et receptionis. In Autographo germanico, quod est in manu nostra, Articulus de Concilio futuro, ad Electorem missos, Briardus ita subscripsit: *Lambertus von Briarde ssc.*

16) Tomo III. Opp. editae sunt epistolae, ab ERASMO *Parisiis* scriptae, annis 1497. 98. 99. 1500. 1503. 1504. 1505. 1506. 1507. 1510. Collatio cum aliis epistolis docet, *Erasmum* variis temporibus commoratum esse *Parisiis*.

17) Secundum Versionem Vulgaram. In Codicibus hebraeis et versione Lutheri Psalmus hic est quinquagesimus primus.

18) Vera praedixit auctor epistolae huius de *Lamberto Briardo*. Vid. adnot. 15.

19) *Ioannes Syluagius*, (*Sauvage*), Ioannis et Antonii pater, olim Lovanii publice Ius Civile docuerat; posthac fuerat Flandriae Praefes, deinde Cancellarius Brabantiae, tandem Summus Cancellarius Burgundiae Hispaniaeque, et Eques aureatus. Diem supremum obierat anno 1518. aet. 64. Bruxellis. *Erasmus* eum summopere laudat in epistolis editis, inter quas exstant *Io. Syluagii*, Burgundiae Cancellarii, vna ad *Erasmum* data Bruxellis 8. Iulii 1516. (p. 1561. ep. 68.) et duae *Erasmi*

pereſt, et tenet ſe in Steenkercka ¹⁹⁾, qui plurimum ſtudioſus eſt, et petiit a me, Curato ²¹⁾ ſuo in Steenkercken, plurimum Domino Eraſmo commendari. Frater meus ²²⁾ et tota familia ſe maxime commendant. Dominus Magiſter Ioannes ²³⁾, Iacobi ²⁴⁾, Buſſidius ²⁵⁾, omnes valent. Ex Bruxellis ²⁶⁾, per veſtrum humilem hoſpitem et ſeruitorem, XIX. Nouembris, anno triceſimo primo,

Martinum Daudis, ſeruitorem ad mandata obſequentiſſimum.

Domino Eraſmo Rotterdamo,
Friburgi.

LVCAE BATHODII,
Eccleſiae Argentinenſis Diaconi, Epiſtola
A. 1525. ad Eraſmum data,
ex Autogr.

Nulla quidem *Eraſmi* ad *Bathodium*, nec huius ad illum, edita legitur epiſtola. At mentionem eius fecit *Eraſmus*,

Eraſmi ad Io. Syluagium, Regis Catholici Cancellarium ſummum, Antverp. I. Iun. 1515. (p. 155. ep. 176.) et ad Cancellarium Burgundiae, Louan. 6. Mart. 1518. (p. 1673. ep. 270.) Scripſit hic Syluagius *Reſponſa in Iure*, aliaque ad *Praxin* pertinentia. Vid. Sweertius in Athenis belgicis.

20) *Steenkercken*, ſive *Stenkirchen*, eſt pagus Hannoniae, (Germ. Hennegau,) in finibus Brabantiae.

21) Gall. *Curé*, Germ. *Pfarrer*.

22) Ignotus homo.

23) *Ioannes Sucquetus*, vt videtur,

ad quem ſcripſit *Eraſmus* anno 1525. (p. 909. ep. 791.) tanquam virum, qui gratia et auctoritate plurimum valeat in aula Caſaris belgica.

24) Fortaſſe *Iacobus Spiegel*, de quo vid. Spicileg. VIII. p. 16. ſeqq. *Iacobus Laromus*, Theologus Louanienſis, *Iacobus Canza*, ad quem litteras dedit Eraſmus A. 1532. aut alii ignoti.

25) *Aegidius Buſſidius*, Bruxellis, Caroli V. Caſaris a Rationibus, de quo vid. Spicil. IV. p. 6.

26) Vid. adnot. II.

mus, in litteris ad Nicolaum Gerbelium, Iuris Pontificii Doctorem, datis Louan. 20. Octobris A. 1518, his verbis: „Saluta diligenter nouum amicum, *Bathodium*. Sic ditescio „in dies.“ Vid. T. III. Opp. Er. p. 354. epist. 341. Deinde in ep. 650. ad Marcum Laurinum, Basil. 1. Febr. A. 1523. p. 752. — „*Argentoratum* peruenio. Nec hic decreueram „commorari, sed Iacobus Spiegel, Caesaris Secretarius, — „me prodidit fodalitio, cui nuper accesserat *Lucas Bathodius*, „et hoc in amore caeteris vehementior.“

Vnica, quae nunc ex Autogr. in lucem prodit, *Bathodii* ad *Erasmum* epistola scripta est *Argentorati*, d. 1. Octobris A. 1525., (v. Index h. a. n. 12.) in qua de auctoribus latinis nonnullis, praesertim *Terentio*, ne puerorum et iuuenum christianorum moribus nocere possint, *Erasmi* flagitat operam.

Dn. Erasmo Roterodamo S. D.

Si quid apud te, Doctissime Erasme, indoctorum preces valebunt, impudentior ego praestantiam tuam, grauioribus fortassis occupatam, interpellare audeo; oraturus, non mea, cui, in aliud ministerium, nempe pauperum curandorum, vocato, litteris vacare amplius haud satis licebit, sed christianae pubis causa, in latina lingua bene et feliciter institutur. Quam tametsi non ignorem docte simul atque magno charitatis affectu iniciendam docueris, in libello, cui titulus: de ratione studii; est tamen, quod christiana sinceritas in nonnullis Auctoribus illic recensitis desideret, innocenti adhuc aetati praelegendis, qui alioqui optima nonnunquam, nisi antidotum adhibeas, offensioni erunt. Ex quibus quanto melio-

res

res fuerint recte loquendi auctores, et quotidiano sermoni accommodatiores, ipso tamen argumenti genere impuriore, ne dicam ineptiores, quam vt illi aetati par sit atque conueniat, tanto nocentiores hofce iudicari. Tegatur id colore quantumuis exquisito! (Veniam dabis indocto, doctissime.) Caeterum quum ex omnibus Terentium in hoc verfari comperimus, qui vnus poffit effe talis, in quo, quicquid ad quotidiani sermonis nitorem ac copiam attinet, puer verferetur, istiusmodi autem argumentorum generibus fceat, vt (nifi Comoediam decoro fuo fraudes) fine offendiculo puer non capiat; factum videmus, vt prius didicerit puellas, quam litteras, amare. Sicque ex bonarum litterarum initiis, imprudentia praeceptorum, qualium plus nimio hactenus fert hoc feculum, peffimi mores quoque fuceuerunt. Huic morbo mendo tu vnus occurris, qui praeflare poteris, quod defideratur, nempe vt honeftioribus argumentis fingulae Comoediae veftiantur, petulantibus in feueriora mutatis. Quod vt poffis, tua doctiffima paffim teftantur litterarum monumenta. Vt velis, orat mecum omnis ftudiofa iuuentus. Et vt tandem debeas, monet chriftiana pietas. Quorum gratia, optimo cuique antehac abunde perfuafum eft, natum effe te, vnicum colapfae litteraturae vindicem atque reftauratorem. Bene vale. Argentorati, Calendis Octobris, Anno chriftianae falutis MDXXV.

Lucas Bathodius,
Argentinenfis ecclefiae Diaconus.
Clariffimo Viro, Dn. Defiderio Eraſmo Roterodamo, optimarum litterarum optimo patrono,
Baſileae.

Sed

Sed nunc Vobis, Ciues Optimi, indicenda sunt Sacra Natalitia Seruatoris ac Domini nostri IESV CHRISTI, proximo die XXV. Mensis Decembris pie ac religiose celebranda. Orationem Anniuersariam, inter Sacra Eucharistica, Hora XII. in Aede Academica habebit Vir Praeclarissimus, CAROLVS GOTTLOB STÖY, Penigenfis, Artium Magister et ad Aedem Academicam in sacris post meridiem Orator, ostendere qui studebit: Naturae humanae dignitatem suam, cum CHRISTVS Homo nasceretur, restitutam, atque adeo auctam esse. Actum hunc vt praesentes ornare et Orationem illam audire velint SERENISSIMVS HOLSATIAE DVX, Lipsiam nunc praesentia SUA illustrans, COMITES ILLUSTRISSIMI, VTRIVSQUE REIPUBLICAE PATRES et PROCERES GRAVISSIMI, COMMILITONES GENEROSISSIMI, NOBILISSIMI, CARISSIMI, omni, qua par est, obseruantia et humanitate rogamus. P. P. Domin. IV. Aduent. A. R. S. c1616ccxcviii.

L I P S I A E

EX OFFICINA KLAVBARTHIA.

